

# **KLINIČKI CENTAR**

## **UNIVERZITETA U SARAJEVU**

Na osnovu člana 71. Zakona o zdravstvenoj zaštiti (Sl.novine F BiH br.46/10, 75/13), člana 8., a u vezi sa članom 7. Zakona o ministarskim, vladinim i drugim imenovanjima (Sl.novine F BiH br.12/03, 34/03 i 65/13), Odluke o kriterijima za imenovanje u nadzorne odbore federalnih zdravstvenih zavoda i zdravstvenih ustanova čiji je osnivač jedan ili više kantona i Federacija BiH zajedno (Sl.novine F BiH br.38/11) i čl. 28.-34. Statuta (Sl.novine F BiH br. 73/13), Klinički centar Univerziteta u Sarajevu, raspisuje

# **JAVNI OGLAS**

## **za izbor i imenovanje predstavnika**

### **Kliničkog centra Univerziteta u Sarajevu u Nadzornom odboru Kliničkog centra Univerziteta u Sarajevu**

#### **1. POZICIJA**

Raspisuje se Javni poziv za izbor i imenovanje 1 (jednog) predstavnika ispred uposlenika Kliničkog centra Univerziteta u Sarajevu u Nadzornom odboru Kliničkog centra Univerziteta u Sarajevu (u daljem tekstu Nadzorni odbor)

#### **2. OPIS UPRAŽNJENE POZICIJE**

Shodno odredbama članova 72. Zakona o zdravstvenoj zaštiti, a u vezi sa članom 30. Statuta, Nadzorni odbor obavlja slijedeće poslove i zadatke:

- nadzor nad radom i poslovanju ustanove,
- analizira izvještaj o poslovanju ustanove,
- nadzor nad upotrebom sredstava za rad, pregleda godišnje izvještaje o poslovanju i godišnji obračun,
- pregleda i provjerava urednost i zakonitost vođenja poslovnih knjiga Nadzorni odbor na temelju obavljenih aktivnosti iz stava jedan, te pregleda izvještaja o radu Generalnog direktora i Upravnog odbora, sačinjava godišnje izvještaje o poslovanju ustanove.

Nadzorni odbor sačinjava godišnji izvještaj o poslovanju KCUS-a na osnovu obavljenih aktivnosti iz stava 1. ovog člana, te pregleda izvještaj o radu generalnog direktora i Upravnog odbora KCUS-a.

### 3. MANDAT

Mandat člana Nadzornog odbora traje 4 (četiri) godine s mogućnošću ponovnog izbora, a najviše za još jedan mandatni period.

### 4. OPŠTI USLOVI

Pored uslova utvrđenih Zakonom o ministarskim, vladinim i drugim imenovanjima F BiH (Sl.novine F BiH br.12/03, 34/03, 65/13), kandidat za upražnjenu poziciju u Nadzorni odbor dužan je ispunjavati i slijedeće uslove:

- da je državljanin BiH,
- da je stariji od 18 godina,
- da nije obuhvaćen odredbama člana IX 1.Ustava BiH,
- da mu nije izrečena disciplinska mjera u periodu od 3 godine prije kandidiranja,
- da nije osuđivan za krivično djelo nespojivo sa funkcijom u Nadzornom odboru,
- da mu nije izrečena zaštitna mjera u prekršajnom postupku nespojiva sa funkcijom u Nadzornom odboru,
- da se protiv njega ne vodi krivični postupak,
- da nije član ni u jednom upravnom odboru i nadzornom odboru ustanove, zavoda, odnosno privrednog društva sa većinskim državnim kapitalom,
- da nema privatni finansijski interes u ustanovi,
- da nije direktor ustanove, zavoda, odnosno privrednog društva sa većinskim državnim kapitalom.

### 5. POSEBNI USLOVI

Pored uslova iz tačke 4. ovog Oglasa kandidat za upražnjenu poziciju u Nadzorni odbor treba da ispunjava i slijedeće uslove:

- da ima završen VII stepen stručne spreme zdravstvenog usmjerenja,
- da ima najmanje 5 godina radnog iskustva na poslovima svog stručnog zvanja,
- da ima stručno znanje o djelatnosti KCUS-a i da je upućen u sadržaj i način rada KCUS-a.

## 6. POTREBNI DOKUMENTI

Uz prijavu koja sadrži adresu i kontakt telefon i kraću biografiju kandidat je dužan priložiti originalne dokumente ili ovjerene kopije kao dokaz o ispunjavanju traženih uslova.

Potrebni dokumenti:

- uvjerenje o državljanstvu (ne starije od 6 mjeseci),
- ovjerenu kopiju diplome,
- dokaz o radnom iskustvu,
- dokaz da mu nije izrečena disciplinska mjera u periodu od 3 godine prije kandidiranja,
- uvjerenje da se protiv kandidata ne vodi krivični postupak i da nije osuđivan za krivično djelo nespojivo sa funkcijom u Nadzornom odboru (ne starije od 3 mjeseca),
- uvjerenje da mu nije presudom suda zabranjeno obavljanje djelatnosti Nadzornog odbora,
- ovjerenu izjavu da ne podliježe odredbama člana IX 1. Ustava BiH,
- ovjerenu izjavu da nema privatni finansijski interes u KCUS-u,
- ovjerenu izjavu da nije član ni u jednom upravnom odboru i nadzornom odboru ustanove, zavoda, odnosno privrednom društvu sa većinskim državnim kapitalom,
- ovjerenu izjavu da nije direktor ustanove, zavoda, odnosno privrednog društva sa većinskim državnim kapitalom,
- ovjerenu izjavu da ima stručno znanje iz djelatnosti KCUS-a, te da je upućen u sadržaj i način rada KCUS-a,
- ovjerenu izjavu da ima sposobnost upravljanja finansijskim sredstvima i ljudskim resursima, kao i sklonost ka timskom radu.

## 7. PODNOŠENJE PRIJAVE

„Prijava sa dokaznom dokumentacijom dostavlja se lično ili preporučenom pošiljkom sa naznakom:

**Prijava na javni oglas za poziciju u Nadzorni odbor KCUS-a iz reda zaposlenika - ne otvaraj“**

**Prijava se dostavlja na adresu:**

**KLINIČKI CENTAR UNIVERZITETA U SARAJEVU**

**Sarajevo, Bolnička br. 25,**

**u roku od 15 dana od posljednjeg dana objavljivanja Oglasa.**

Na poledini koverta navesti ime i prezime podnosioca prijave, adresu i kontakt telefon.

Oglas će biti objavljen u Sl.novinama Federacije BiH, dnevnim novinama „Večernji list BH“ i WEB stranici KCUS-a.

Prijava podnesena nakon roka, odnosno bez tražene dokumentacije, odbaciti će se kao neblagovremena, odnosno nepotpuna.

Sa kandidatom koji uđe u uži izbor Komisija će obaviti intervju.

Predsjednika i članove Nadzornog odbora imenuje Vlada Federacije BiH na prijedlog Federalnog ministarstva zdravstva, a u skladu sa članom 71. stav 5. Zakona o zdravstvenoj zaštiti.

## **8. NAKNADA ZA RAD**

Predsjednik i članovi Nadzornog odbora ostvaruju pravo na mjesečnu naknadu saglasno Odluci Vlade Federacij BiH donijetoj saglasno članu 71. stav 7., a u vezi sa članom 64. stav 11. Zakona o zdravstvenoj zaštiti.

Naknada iz stava 1. isplaćuje se iz sredstava ustanove.

## **9. OSTALO**

Lični podaci o kandidatima su tajni i mogu se prikupljati i obrađivati u skladu sa Zakonom o zaštiti ličnih podataka (Sl.glasnik BiH br.49/06).

Na konačno imenovanje Nadzornog odbora kandidat kao i druga lica koja smatraju i imaju dokaze da su povrijeđene odredbe pozitivnih propisa koji se primjenjuju u postupku imenovanja imaju pravo prigovora koji se podnosi Vladi

F BiH sa kopijom prigovora Ombudsmenu F BiH.

